

欽定史記

卷之十
一百三十六

史記卷九十六

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

張丞相列傳第三十六

張丞相蒼者陽武人也

案縣名屬陳留
鄭州陽武縣也

好書律歷

秦時爲御史主柱下方書

在版上者也秦以上置柱下

史蒼爲御史主其事或曰四方文書
下史謂御史也所掌及侍立恒在殿柱之下故老聘爲
周柱下史今蒼在秦代亦居斯職方書者方板謂小事
書於板也或曰主四方文書也姚氏以爲下云明習天

下圖書計籍主郡上計則方爲四方文書者是也

有罪亡歸及沛公略地過陽

武蒼以客從攻南陽蒼坐法當斬解衣伏質

質小顏云質鉞也

身長大肥白如瓠時王陵見而怪其美士乃言沛公赦勿斬遂從西入武關至咸陽沛公立爲漢王入漢中還定三秦陳餘擊走常山王張耳耳歸漢漢乃以張蒼爲常山守從淮陰侯擊趙蒼得陳餘趙地已平漢王以蒼爲代相備邊寇已而徙爲趙相相趙王耳耳卒相趙王敖復徙相代王燕王臧荼反高祖往擊之蒼以代相從攻臧荼有功以六年中封爲北平侯食邑千二百戶遷爲計相

漢文

穎曰能計故號曰計相

一月更以列侯爲主計四歲

解

張晏曰以列侯典校郡國簿書如淳曰以其所主因以爲官號與計相同時所卒立非久施也謂改計相之名更名主計也此蓋權時立號也是時蕭何爲相國而張蒼乃自秦時

爲柱下史明習天下圖書計籍蒼又善用算律歷故令蒼以列侯居相府領主郡國上計者黥布反亡漢立皇子長爲淮南王而張蒼相之十四年遷爲御史大夫

周昌者沛人也其從兄曰周苛秦時皆爲泗水卒史及高祖起沛擊破泗水守監於是周昌周苛自卒史從沛

公沛公以周昌爲職志

徐廣曰主旗幟之屬官名也職主也志旗幟也謂掌

旗幟之官也音昌志反

周苛爲客

張晏曰爲帳下賓客不掌官

從入關破秦

沛公立爲漢王以周苛爲御史大夫周昌爲中尉漢王

四年楚圍漢王滎陽急漢王遁出去而使周苛守滎陽城楚破滎陽城欲令周苛將苛罵曰若趣降漢王不然今爲虜矣項羽怒亨周苛

集解徐廣曰四年三月也

於是乃拜周昌

爲御史大夫常從擊破項籍以六年中與蕭曹等俱封

封周昌爲汾陰侯周苛子周成以父死事封爲高景侯

集解徐廣曰九年封封三十九年文帝後元四年謀反死國除

昌爲人彊力敢直言自

蕭曹等皆卑下之昌嘗燕時入奏事

集解駢案漢書音義曰以上燕時入

奏事高帝方擁戚姬昌還走高帝逐得騎周昌項問曰我

何如主也昌仰曰陛下卽桀紂之主也於是上笑之然

尤憚周昌及帝欲廢太子而立戚姬子如意爲太子大

臣固爭之莫能得上以留侯策卽止而周昌廷爭之彊

上問其說昌爲人吃又盛怒曰臣口不能言然臣期期

知其不可

正義期以口吃每語故重言期期也

陛下雖欲廢太子臣期期

不奉詔上欣然而笑旣罷呂后側耳於東廂聽

集解韋昭曰殿

東堂也

案隱小顏云正寢之東西室皆號曰箱言似箱篋之形

見周昌爲跪謝曰微君

太子幾廢

案隱幾鉅依反

是後戚姬子如意爲趙王年十歲高

祖憂卽萬歲之後不全也趙堯年少爲符璽御史趙人

方與公

集解孟康曰方與縣名公其號贊曰方與縣令也

謂御大夫周昌曰君

之史趙堯年雖少然奇才也君必異之是且代君之位

周昌笑曰堯年少刀筆吏耳

正義古用簡牘書有錯謬以刀削之故號曰刀筆吏

何能至是乎居頃之趙堯侍高祖高祖獨心不樂悲歌羣臣不知上之所以然趙堯進請問曰陛下所爲不樂非爲趙王年少而戚夫人與呂后有卻邪備萬歲之後而趙王不能自全乎高祖曰然吾私憂之不知所出

謂不知其計所出也

堯曰陛下獨宜爲趙王置貴彊相及呂后太

子羣臣素所敬憚乃可高祖曰然吾念之欲如是而羣臣誰可者堯曰御史大夫周昌其人有堅忍質直且自呂后太子及大臣皆素敬憚之獨昌可高祖曰善於是乃召周昌謂曰吾欲固煩公公彊爲我相趙王

正義相譚世論

云使周相趙不如使取呂后家女爲妃令戚夫人善事呂后則如意無幾也

周昌泣曰臣初

起從陛下陛下獨奈何中道而棄之於諸侯乎高祖曰

吾極知其左遷

諸侯王表有左官之律韋昭以爲左猶下也禁不得下仕於諸王也然地

道尊右右貴左賤故謂貶秩爲左遷他皆此類

然吾私憂趙王念非公無可者

公不得已彊行於是徙御史大夫周昌爲趙相旣行久

之高祖持御史大夫印弄之曰誰可以爲御史大夫者

孰視趙堯曰無以易堯遂拜趙堯爲御史大夫

廣曰十

年也堯亦前有軍功食邑及以御史大夫從擊陳豨有功

封爲江邑侯

徐廣曰十一年封

高祖崩呂太后使使召趙王

其相周昌令王稱疾不行使者三反周昌固爲不遣趙

王於是高后患之乃使使召周昌周昌至謁高后高后

怒而罵周昌曰爾不知我之怨戚氏乎而不遣趙王何

昌旣徵高后使使召趙王趙王果來至長安月餘飲藥

而死周昌因謝病不朝見三歲而死

徐廣曰諡悼也漢書列傳

及表咸言周昌諡悼韋昭云或諡惠非也漢書又曰傳

子至孫意有罪國除景帝復封昌孫左車爲安陽侯有

罪國除也

後五歲高后聞御史大夫江邑侯趙堯高

祖時定趙王如意之畫乃抵堯罪

徐廣曰呂后元年國除

以廣

阿侯任敖爲御史大夫

任敖者故沛獄吏高祖嘗辟吏

音避辟

吏繫呂后遇之

不謹任敖素善高祖怒擊傷主呂后吏及高祖初起敖

以客從爲御史守豐二歲高祖立爲漢王東擊項籍敖

遷爲上黨守陳稀反時敖堅守封爲廣阿侯食千八百

戶高后時爲御史大夫三歲免

徐廣曰文帝二年任敖卒謚懿侯魯孫越

人元鼎二年爲太常坐酒醢國除騶案漢書任敖孝文元年遷徐誤也

裴駰又引任安書證爲得其實

文帝二年卒漢表又云封十九年卒計高祖十一年封到裴氏不考乃云徐誤何其貳過也

史大夫高后崩不與大臣共誅呂祿等免以淮南相張

蒼爲御史大夫蒼與絳侯等尊立代王爲孝文皇帝四

年丞相灌嬰卒張蒼爲丞相自漢興至孝文二十餘年

會天下初定將相公卿皆軍吏張蒼爲計相時緒正律

歷也文穎曰緒尋也或曰緒業也以高祖十月始至霸上因故秦時

本以十月爲歲首弗革推五德之運以爲漢當水德之

時尚黑如故

姚察云蒼是秦人猶用推五勝之法以周赤烏爲火漢勝火以水也

吹律

調樂人之音聲及以比定律令

清濁各有此也如淳曰此謂五音

十二月律之法令於樂官使長行之瓚曰謂以比故取類以定法律與條令也

也若百工天下作程品

如淳曰若順也百工爲器物皆有尺寸斤兩皆使得宜此

之謂順晉灼曰若預及之辭

晉灼說爲得至於爲丞相卒就之故漢家言

律歷者本之張蒼蒼本好書無所不觀無所不通而尤

善律歷

駟案漢書曰著書十八篇言陰陽律歷事

張蒼德王陵王陵者安

國侯也及蒼貴常父事王陵陵死後蒼爲丞相洗沐常

先朝陵夫人上食然後敢歸家蒼爲丞相十餘年魯人

公孫臣上書言漢土德時其符有黃龍當見詔下其議
張蒼張蒼以爲非是罷之其後黃龍見成紀於是文帝
召公孫臣以爲博士草土德之歷制度更元年張丞相
由此自絀謝病稱老蒼任人爲中候張晏曰所選
侯官保任者也大爲姦利上以讓蒼蒼遂病免蒼爲丞相十五歲

而免孝景前五年蒼卒諡爲文侯子康代侯八年卒子

類一作徐廣曰代爲侯八年坐臨諸侯喪後就位不敬

國除案漢書云傳子至孫類有罪國除今此文康
代八年卒子顓代侯則顓卽類與漢書略同也

初張蒼父長不滿五尺及生蒼蒼長八尺餘爲侯丞相

蒼子復長集解駟案漢
書云長八尺及孫類長六尺餘坐法失侯蒼

之免相後老口中無齒食乳女子爲乳母妻妾以百數
嘗孕者不復幸蒼年百有餘歲而卒

申屠丞相嘉者梁人以材官蹶張

徐廣曰勇健有材力開張駟案如淳

曰材官之多力能脚蹋强弩張之故曰蹶張律有蹶張士

孟康云言張强弩蹶其月反漢令曰蹶張士百

類反

從擊黥布軍爲都

尉孝惠時爲淮陽守孝文帝元年舉故吏士二千石從

高皇帝者悉以爲關內侯食邑二十四人而申屠嘉食

邑五百戶張蒼已爲丞相嘉遷爲御史大夫張蒼免相

徐廣曰後二年八月

孝文帝欲用皇后弟竇廣國爲丞相曰恐

天下以吾私廣國廣國賢有行故欲相之念久之不可

而高帝時大臣又皆多死餘見無可者乃以御史大夫
嘉爲丞相因故邑封爲故安侯

正義今易州界武陽城
中東南隅故城是也

嘉爲人廉直門不受私謁是時太中大夫鄧通方隆愛
幸賞賜累巨萬文帝嘗燕飲通家其寵如是是時丞相
入朝而通居上傍有怠慢之禮丞相奏事畢因言曰陛
下愛幸臣則富貴之至於朝廷之禮不可以不肅上曰
君勿言吾私之罷朝坐府中嘉爲檄召鄧通詣丞相府
不來且斬通通恐入言文帝文帝曰汝第往吾今使人
召若通至丞相府免冠徒跣頓首謝嘉坐自如故不爲
禮責曰夫朝廷者高皇帝之朝廷也通小臣戲殿上大

不敬當斬吏今行斬之

集解如淳曰嘉語其吏曰今便行斬之

通頓首首

盡出血不解文帝度丞相已困通使使者持節召通而

謝丞相曰此吾弄臣君釋之鄧通既至爲文帝泣曰丞

相幾殺臣嘉爲丞相五歲孝文帝崩孝景帝卽位二年

鼂錯爲內史貴幸用事諸法令多所請變更議以謫罰

侵削諸侯而丞相嘉自絀所言不用疾錯錯爲內史門

東出不便更穿一門南出南出者太上皇廟塹垣

集解服虔

曰

晉外垣也如淳曰塹音畏塹之塹

嘉聞之欲因此

以法錯擅穿宗廟垣爲門奏請誅錯錯客有語錯錯恐

夜入宮上謁自歸景帝

正義自歸帝首露

至朝丞相奏請誅內

史錯景帝曰錯所穿非真廟垣乃外塽垣故他官居其

中

索隱漢書作冗官謂散官

且又我使爲之錯無罪罷朝嘉謂長史

曰吾悔不先斬錯乃先請之爲錯所賣至舍因歐血而

死謚爲節侯子共侯茂代三年卒子侯去病代三十一

年卒

集解徐廣曰一本無此去病而云共侯茂三十三年子與改封靖安侯

子侯與代六

歲坐爲九江太守受故官送有罪國除自申屠嘉死之

後景帝時開封侯陶青桃侯劉舍爲丞相

集解徐廣曰陶青高祖功

臣陶舍之子也謚夷劉舍本項氏親也賜姓劉氏父襄佐高祖有功舍謚哀侯

及今上時栢至

侯許昌

集解徐廣曰高祖功臣許溫之孫謚哀侯

平棘侯薛澤

集解徐廣曰高祖功臣

平侯薛歐之孫平棘節侯薛澤

武彊侯莊青翟

集解徐廣曰高祖功臣莊不識之孫

高陵

侯趙周

集解徐廣曰周父夷吾爲楚王戊太傅諫爭而死

等爲丞相皆以列侯

繼嗣媼媼

集解徐廣曰媼音七角反一作斷一作躡

躡音初角反一作斷音都亂反義如尚書斷斷猗無他技

廉謹爲丞相備員而已無

所能發明功名有著於當世者

太史公曰張蒼文學律歷爲漢名相而絀賈生公孫臣

等言正朔服色事而不遵明用秦之顓頊歷何哉

集解張晏

曰不考經典專用顓頊歷何哉

周昌木彊人也

正義言其質直掘強如木石焉

任敖以

舊德用

集解張晏曰謂傷辱呂后吏

申屠嘉可謂剛毅守節矣然無

術學殆與蕭曹陳平異矣

孝武時丞相多甚不記莫錄其行起居狀略且紀征